



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Humiliatorum ordinem corrigit. cap. 4.

urn:nbn:de:hbz:466:1-10502

perfugium fore; quin a Cardinali plene regerentur; & quemadmodum oporteret, corrigerentur. Demum clerus Concilij Tridentini decreta publice recepit; concilij provincialis constitutiones seruandas suscepit: tum catholicam fidem stata formula singillatim professus est. Ita Caroli dolorem, quem extanta prauitate cœperat, emendationis remedium, spesque melioris in dies progressus non mediocriter leuauit: simul vero illud; quod praex finitimarum ecclesiarium de quibus cognouerat, conditione, suas bono statu satis esse intellexit. Litteras autem discedens ad gentis consilia dedit; quibus & delegatorum opera gratias egit; & monita multa ijs de rebus addidit; quibus veræ pietatis, religionisque cauſa, in regione gubernanda illis abstinentum esſet. Atque iam tum, christiana gentis charitate motus, cum eam praeferat in sua iam habuisset clientela: cogitare coepit, quemadmodum alijs item ecclesijs, quæ in ditione Heluetiorum esſent, consulere posset. verum nihil eo tempore, publice tentandum arbitratus; priuatis officijs oppida, castellaque multa, maxime ſuæ dioecesis finitima, iuquare non defitit; tum pueris ad clericalem vitam Mediolani educandis; tum concionatoribus mittendis; qui fidem catholicam tuerentur, christianoſque mores suaderent. tum alijs rebus ad eorum ſalutem accommodatis. Sed minime praetereundum videtur, tres eas valles, quattuor ex Canonicis Mediolanensibus Comitum titulo tenuiffe; & utraque potestate, ſacra, profanaque administrasse. eas autem Heluetios cum Philippo Mediolani Duce bellum gerentes occupasse. cumque de pace ageretur; nescio quo animo, Dux, ut facilius traſfigeret, valles non suas permifit Heluetijs: earumque loco Canonicis vniuersi Sepriensis agri vec^tigal quoddam assignauit.

Ecclesiasticam vero administracionem, quam vt oportebat, canonici tueri, & ab improborum audacia; potentiumque viribus defendere non poterant, Carolus suscepit: cui tamen alioqui, vt loca intra ſuam dioecesim posita, neque ad alium Episcopum pertinentia recognoscere; quæ opus esſent, ex ſacris ſanctionibus decernere, facultas erat. Ius porro, quod in facerdotijs dandis conſtituit, canonici retinuere.

Præter Mediolanensis ecclesiæ negotia, Carolus alia quoque grauissima ſuscipere non omittens; noua ſemper ad hominum ſalutem, & ad ecclesi fructum exempla proferebat. Cōfecit eodem anno priusquam exiret, negotium inter alia correctionis ordinis Humiliatorum. Instituerant illum Mediolanenses olim nonnulli. cum enim Conradus Imperator eorum plurimos cœpiffet, & in Germaniam duxiffet; primarios quidem ſecuri percuffit: alios autem reſeruauit; qui periculo commoti diuino ſe culti uirotos dedere conſtituerunt: & vt primum, Conrado mortuo, ab Henrico ſuccesseſſore reditum in patriam obtinuerunt; monaſticam auſtoritate Pontificia religionis disciplinam, ex sancti Benedicti institutis, cum albis indumentis ſuſcepſerunt, Humiliatorumque ſibi nomen imposuerunt. Ij plurimis in Italia fundatis monaſterijs; annorum amplius quingenitorum ſpatio a prima disciplina, vt humana eſt imbecillitas, longe admodum in multis diſceſſerant. Viderat Carolus ordinis patronus, & iudex, correctione opus eſſe: atque iam ante per Ormanetum, cum is Mediolianni eſſet, aliquam eius rationem tentauerat. qui cum eorum comitijs praefuiffet; fecit ille quidem, vt de corruptelis quibusdam tollendi aliquid in congregacione decerneretur: verum ad rem perficiendam; maxime autem ad alia, quæ grauiora, & difficultiora erant

Mumiliat. rum ordine corrigit.
CAP. IV.

erant, constituenda, efficiendaque, iam tum vir sapiens multo maiorem auctoritatem, potestatemque necessariam esse prædixerat. Non omisit umquam negotium Carolus; neque de ratione ineunda, qua ordo ille ad sua reuocaretur instituta, cogitare intermisit: sed Pio Quinto tali Pontifice demum creato, rem suscepit attentius. multa ipse cum Pontifice prius egit accurate: per Ormanetum postea rem totam confecit; & de toto ordine componendo constituit. Itaque conuentu indicto; omnibusque qui vocati erant, Cremonæ congregatis; cui conuentui Carolus non sua solum Protectoris, vt aiunt, sed Apostolica etiam auctoritate præsidebat; quæ acta de ijs, Pontificiaque constitutione summatis saltem, sancta erant, & ad eam diem secreto habita, promulgari iussit; præsidij ante paratis, si quis forte promulgationi vellet resistere. dura maxime Præpositis visa sunt, quæ de eorum emendatione statuta erant; eoque duriora, quod minime quisquam putarat, emendationem eouisque peruenturam quin etiam, sicuti ego accepi, quidam ex ijs, qui prudentiores sibi videbantur, subobscure Caroli conatum ante illudebant. cum autem talia improviso audijssent; animo quidem grauerter perculti omnes, nihil tamen resistere ausi sunt, aut contradicere. Summa emendationis fuit; vt Præpositi dignitatem, quam quisq; haberet; & eius item insigne retineret: sed suum quisque locum, sacerdotiumque mutaret. tertio quoque anno in posterum per suffragia tum Præpositus ordinis vniuersi, tum locorum omnium Præpositi deligerentur. reditus ecclesiæ, non ipfi, vt antea, ciuili quodam splendore; sed alij ad id proprie electi religiose administrarent: ijs vti communibus omnes æqualiter vterentur: omnino cœnobitica, religiosaque vita vere inter-

eos ageretur. hæc litteris Pontificijs continentur; tum fusius, explicatusq; constitutionibus, quas tu pro amplissima facultate sibi data Carolus eis scripsit; & in conuentu etiam eodem pro mulgauit. At conuentu dimisso, multi Præpositi; nam magna pars nobilitate, gratiaq; plurimum poterat; omnes vias persequi coeperunt, quibus vijs, promulgatis se legibus ex parte latenter liberare possent. Res longe gravissima illis videbatur, ex eo statu quem sibi proposuerant, cum ei se ordini addidixerut; adéptis beneficijs, quæ consueta ceterorum via obtinuerant; tantis detractis commodis, & facultatibus; ad eam vitam compelli; in qua & tenue esset, quo quis vteretur; & id ipsum non esset proprium: quæque seueris alijs contineretur institutis. nihil enim minus, siue ipsi, siue parentes, ijs dignitatibus quærendis, fortasse spectauerant; quamuis spectare debuissent; quana monasticam, cœnobiticamue disciplinam. Sed quemadmodum vulgo: de alijs fieri solet sacerdotijs, quæ legibus eiusmodi cœnobiticis libera sunt; id sibi, suisque comparare plerumque studuerant, quod vita communitati, nobilitatiq; sustentandæ deseruiret. Cognati quoque ipsi, qui Præpositorum opes ad familiæ suæ splendorem pertinere videbant: easque ad iuniores eiusdem familie deinceps transferendas sperabant; sanctitas leges, quantum poterant, dissoluere conabantur. Itaque amicos rogare; principes viros obsecrare; quamcumque ratione possent, niti; vt à Pontifice audirentur. cum sibi obstru etum Pontificis, Carolique constantia, & prudentia, tum Ormaneti diligentia, aditum reperirent: speciosis cauissimis Italiae regulis persuadere, ne nouos Præpositos iuuarent; neue ingredi in loca assignata permitterent: loca nonnulla ipfi armatis viris munire. Sed Carolus tum sua, tum Pon-

Cc 2 tificis

tificis in primis auctoritate , tum etiam Principum pietate perfecit , vt rebus constitutis esset omnino locus . Vniuerso ordini preposuit Aloysium a Basilica petri . Is cum ecclesiae sancti Iacobi Cremonæ Præpositus , profanis studijs deditus diu vixisset ; iam anno ante , diuino excitatus impulsu ; bonitateque naturæ adiutus , vitam sibi recte instituendam decreuerat : duosque sacerdotes ex clericis regulibus S. Pauli apud se habuerat , quibus ducibus ad id efficiendum vteretur . tantumque profecerat ; vt eum potissimum Carolus toti ordini præficiendum deligeret . Sed bonus vir valde resistebat : vitam male actam commemorabat ; non se in litteris , aut pijs studijs ; sed in otio , venatione , profanisque rebus alijs ætatem consumpsisse . vrgebat tamen eo magis Carolus , quo se ille grauius accusabat ; quod probitati iam cognitæ , indicium quoque illud accusationis accederet . Is deinde post ea perpesca , quæ Antifitem præcipue , tum bonus monachos omnes , tali rerum conditione , pati oportebat ; extincto demum ordine , vestitu suo in eorumdem Clericorum Collegium S. Barnabæ Mediolani receptus , singulari modestiæ , patientiæque documento vita suę cursum confecit . nam neque quod amplis fructibus ablatis , quadraginta aurei annui , quemadmodum ceteris , reliqui essent ; neq; ob deletu ordinem : aliud ymquam dixit ; quam omnia recte , iusteque , euenisce . Ita quæ inuito ac repugnanti castigatio , afflictioque exitio facile fuisse ; pie , ac sapienter accipiæti saluti fuit : quemadmodum alijs quoq; fuisse putamus .

In ordine Franciscano nonnulla re situit .
C C A P . V . Addemus hic non dissimile manus , quod postero anno Carolus obiit , in ordine Franciscano , cuius item erat moderator . Ac in ea quidem parte quæ laxiorem videtur sequi disciplinam , quædam magni momenti iam perfecerat , ad coenobiti-

ca vita æqualitatem , tum in victu , tum in habitatione seruandam . alia deinde prestitit valde utilia per Alexandrum Cribellium Cardinalem , virum pium , & grauissimum ; quem in munere illius ordinis regendi proficeret . In reliquo autem ordine , qui obseruantæ nomine appellatur , illud auctoritate Pontificia curauit , ac effecit ; vt quædam eius quasi partes tollerentur . Clarenorum , Amadeorum , aliorumq; & nominibus quoq; ipsis deletis , cum reliquo corpore coniungerentur : qua de re constitutio edita est . Eas partes omnes puto ex bonis initijs profectas : sit enim sæpe in sacris religiosorum virorum societatibus , vt primo illo sancti spiritus ardore , cum optimâ disciplina paulatim pro humana miseria refrigerante ; quoniam vniuersi moueri non possunt , vt ad pristinos se mores referant ; pars tantum id faciat , & a ceteris separata , veteribus , perfectioribusque vtatur institutis . quæ cum item spatio temporis remittantur : eo res tandem recidit , vt nomine tantum . & præterea dissidio sæpe relieto ; ea veluti disuncta membra omnino expediatur reliquo eiusdem conditionis corpori rursus coniungere . Amadei , Pacis ecclesiam Mediolani tenebant : nomen traxerant ab Amadeo Vlissypponensi , viro religiosissimo , qui sibi ob præcipuum sanctitatem non mediocrem fratrum numerum , plurimis ab hinc anni adiunxerat ; & vna cum ijs asperiorem veterum vitam renouare conatus erat . ijs cum posteris temporibus novi , hisque alij successissent ; mansit quidem distractus numerus ; sed disciplina tandem a ceteris non differebat . De ijs reliquo numero aggredandis ne constitueretur , principes viri multi primo sele interpolauerunt ; sine quorum intercessione vel oblata sponte , vel postulata , quod maxime dolendum est , vix quiddam in Ecclesia